

Transkription von Urkunde QBD 1328a

Ort, Datierung: Quedlinburg, 1328-03-25

Signatur: Stadtarchiv Quedlinburg, Abt. III, 48

Inhalt: Rat der Städte Halberstadt, Quedlinburg und Aschersleben: Städtebündnis

We .. radman vnde borghe(re) gemene van halb(er)stad Quedelingb(urg) vnde assch(er)sleue bekennen indisem / breue vnde don wetlik allen de en seen oder horen . Dat we mid ghudem willen sin vrōme/likē ouer en komen als hir na bescreuen steýt .. Weret dat vns enes orleges not an stūnde / des we vns irweren mesten vnde scolden . So scolle we van halb(er)stad holden teýn man up orsen / vnde teýn man uppe n[...]ksten . vnde we van Quedelingb(urg) teýn man up orsen vnde vif man / uppe n[...]ksten . vnde we van assch(er)sleue vif man vp orsen vnde teýn man uppe n[...]ksten , wor / dit volk bebodet vnde geladen worde van vser aller wegene wan id buten de mūren kumt / so drage we schaden vnde [vr]omen al ouer en . swe auer vngeladet blift de nimt weder / schaden noch vromen .. vortmer weres vns not so scolde we vnde willen to disem vorbescre/uenen volke winnen enen hóuet man sulf vestegede up orsen in welker stad se leghen , de / wile se in useme denste weren . ir solt vnde iren schaden scolle we like dragen . to enem / orkūnde diser dinge hebbe we vnser stede Jngesegele hengt to disem breue Na godd(es) / bort Dusent Jar . Drehundert Jar . indeme acht vnde [twintegesten] Jare Des mandages / vor Crūcen